



Inatsisartuni ilaasortaq, Anders Olsen, Siumut  
-/Maani

**Kalaallit Nunaata kujataani qulimiguulimmik timmisartuussineq pillugu § 37  
naapertorlugu apeqqummut nr. 2011-218-mut akissuteqaat**

22. november 2011  
Sagsnr. 2011-057901  
Dok. Nr. 768559

Aallarniutigalugu Inatsisartuni ilaasortaq Anders Olsen Kalaallit Nunaanni qulimiguulimmik timmisartuussineq pillugu apeqquteqarnerani qutsavigerusuppara.

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Air Greenlandip 2012-ip ingerlanerani qulimiguullit Sikorsky S61-it atorunnaariartornissaat naatsorsuutigalugu uppersarsimmamagu ilumoorpoq. Taamatuttaaq Kalaallit Nunaata kujataani qulimiguulimmik timmisartuussineq pillugu Air Greenlandimut kiffartuunneqarnissamik isumaqatigiissut 2012-ip naanerani atorunnaartussaamat ilumoorpoq. Air Greenlandip Naalakkersuisunut uppersarsarpaa, kiffartuussineq qulimiguulimmik Sikorsky S61-imit allaanerusumik atuilluni ingerlanneqaraluarpalluunniit, kiffartuunneqarnissamik isumaqatigiissut taanna naapertorlugu pisussaaffimminik naammassinnissinnaalluni naammassinninniarlunilu.

Kalaallit Nunaata kujataani qulimiguulimmik timmisartuussineq pillugu kiffartuunneqarnissamik isumaqatigiissutissaq nutaaq eqqarsaatigalugu, Naalakkersuisut neqerooruteqartitsinissamat najoqqutassanik nutaanik suliaqarput. Tamatumunnga atatillugu ilaatigut qaammagini immap sikuuffiginngisaanni kommunimi illoqarfiit nunaqarfiillu imaatigut angallavigineqarnerisa annertusineqarsinnaanerintu periarfissanik misissuinissamat Assartuussineq pillugu Isumalioqatigiissitap inassuteqaatai ilaatinneqarput. Taamatuttaaq mittarfiup Narsarsuarmiit Qaqortumut nuunneqarnissaanut Isumalioqatigiissitap inassuteqaatai ilaatinneqarput.

Inassuteqaatit taakku marluk piviusunnngortinneqassagunik, qulimiguulimmik timmisartuunneqarnissamik pisariaqartitsinermik annikillisisusaaupput. Tassalu Narsarsuup aamma Qaqortup akornanni assartuussineq ullumikkut Kalaallit Nunaata kujataani qulimiguulimmik angallassinerep tamarmiusup 30%-ingajaanik annertussuseqarpoq. Kisiannili Kalaallit Nunaata kujataani attaveqaatit siunissaannut Isumalioqatigiissitap inassuteqaataani, aammattaaq nunap immikkoortuani siunissami qulimiguulimmik timmisartuussinerup pisariaqartinneqarnissaa tunngavigineqarpoq.

Kalaallit Nunaata kujataani qulimiguulimmik timmisartuussineq pillugu kiffartuunneqarnissamik isumaqatigiissutissat nutaat suliarineqarnerini, aningaasaqarnermut sinaakkusiussat iluanni innuttaasut pitsaanerpaamik angallanneqarsinnaalernissaat anguniarneqarmat, Naalakkersuisunit uppersarsarneqarusuppoq.

Inussiarnersumik inuulluaqqusillunga

Jens B. Frederiksen